



Broj : A – 764 /21  
Livno, 27.12.2021 . godine

Na osnovu člana 29. stav 2. Zakona o Kantonalnom tužilaštvu Kantona 10 ( „Narodne novine HBŽ “ broj : 12/03 ) i člana 2. Pravilnika o unutarnjoj organizaciji i poslovanju Kantonalnog tužilaštva Kantona 10 , glavni tužilac donosi :

## **PRAVILNIK**

### **o izmjenama Pravilnika o unutarnjoj organizaciji i poslovanju Kantonalnog tužilaštva Kantona 10**

#### **Član 1.**

U Pravilniku o unutarnjoj organizaciji i poslovanju Kantonalnog tužilaštva Kantona 10 , broj : A – 543/14 od 01.10.2014. i Pravilniku o dopuni Pravilnika o unutarnjoj organizaciji i poslovanju Kantonalnog tužilaštva Kantona 10 , broj : A – 670/19 od 03.12.2019. godine

u Odjeljku III. RUKOVOĐENJE TUŽILAŠTVOM član 8a . *mijenja se i glasi* :

#### **Član 8 a.**

##### **Odnosi između glavnog tužioca , zamjenika glavnog tužioca i tužilaca**

- ( 1 ) Glavni tužilac , odnosno zamjenik glavnog tužioca daje obavezno pojedinačno uputstvo tužiocu za poduzimanje procesnih i drugih radnji i donošenje tužilačkih odluka u skladu sa zakonom
- ( 2 ) Uputstvo se donosi u pismenoj formi i ulaže u posebno formiran A spis .
- ( 3 ) Izuzetno , a zbog hitnosti postupanja , uputstvo može biti dato u usmenoj formi uz mogućnost postupajućeg tužioca da traži naknadno izdavanje uputstva u pismenoj formi .
- ( 4 ) Tužilac je dužan postupiti u skladu sa datim pojedinačnim uputstvom glavnog tužioca ili zamjenika glavnog tužioca osim ako bi izvršavanje takvog uputstva značilo kršenje zakona .
- ( 5 ) U slučaju kada se postupajući tužilac ne slaže sa pojedinačnim uputstvom za postupanje , svoje obrazloženo pismeno neslaganje će dostaviti glavnom tužiocu .
- ( 6 ) Glavni tužilac , nakon što pribavi mišljenje kolegija tužilaštva , donosi obrazloženu odluku u odnosu na izjavljeno neslaganje postupajućeg tužioca sa datim uputstvom

## Član 2.

U Odjeljku V KANTONALNI TUŽIOCI član 25a. *mijenja se i glasi* :

### Član 25a.

( 1 ) Glavni tužilac , odnosno zamjenik glavnog tužioca daje obavezna pojedinačna uputstva za poduzimanje procesnih i drugih radnji i donošenje tužilačkih odluka u skladu sa Zakonom .

( 2 ) Tužilac je dužan da postupi u skladu sa donesenim pojedinačnim uputstvom glavnog tužioca , odnosno zamjenika glavnog tužioca u konkretnom predmetu , osim ako bi izvršavanje takvog uputstva značilo kršenje zakona .

( 3 ) U situaciji kada se postupajući tužilac ne slaže sa pojedinačnim uputstvom za postupanje , svoje obrazloženo pismeno neslaganje će dostaviti glavnom tužiocu .

## Član 3.

Ovaj Pravilnik o izmjenama Pravilnika o unutarnjoj organizaciji i poslovanju u Kantonalnom tužilaštvu Kantona 10 stupa na snagu kada ga odobri Kolegij kantonalnog tužilaštva i Visoko sudsko i tužilačko vijeće .

  
**GLAVNI TUŽILAC**  
  
**Vaso Marinković**

Dostaviti :

- Visokom sudskom i tužilačkom vijeću – VSTV
- Stalnoj komisiji za efikasnost i kvalitet tužilaštva